

GREINARGERD FRÍÐAR- OG UTANRÍKISMÁLAHÓPS.

Í friðar- og utanríkismálahópi starfa 7 konur reglulega. Reynt hefur verið að hittast einu sinni í viku frá 12. september að telja. Haldnir hafa verið fimm fundir á miðvikudagskvöldum kl. átta.

Friðar og utanríkismálahópur Kvennalistans starfar eftir þeirri friðarstefnu, sem er að finna í friðar- og utanríkismálakafla stefnuskrárinnar og er einkar augljós. Þar kemur mæta vél fram að við erum á móti öllum hernaðarbandalögum, að við fordæmum allt ofbeldi og viljum stuðla að friði alls staðar í heiminum.

Þau mál sem til okkar kasta hafa komið eru þessi:

- samin ályktun fyrir hönd Samtaka um kvennalista vegna fundar 15. október s.l. um málefni El Salvador, en þingráð hafði ekki viljað samþykkja orðalag ályktunar þeirrar sem aðildarfélög fundarins sömdu, þó að efnislega værum við henni sammála. Ályktun okkar var lesin upp á El Salvador fundinum, dreift þar og send fjölmöldum. Fylgir hún hér með.
- Fjallað var um þingsályktunartillögu nr. 6. um afvopnun og takmörkun vígbúnaðar flutt á Alþingi af 17 fulltrúum Sjálfstæðisflokkssins. Gerði hópurinn grein fyrir álti sínu á þingráðsfundi. Þótti okkur tillagan allgóð, en greinargerðin vafasöm.
- María Jóhanna Lárusdóttir, sem er í hópnum, var fulltrúi Samtaka um kvennalista á ráðstefnu Lífs og lands um friðar og afvopnunarmál sem haldinn var laugardaginn 22. október á Hótel Sögu.
- Þá er þess að geta að Friarhreyfing Íslenskra kvenna óskar eftir fulltrúum frá Kvennalistanum í miðstöð hreyfingarinnar.

Nú er hópurinn að fjalla um olíuhöfn og birgðastöð í Helguvík og enn fremur er hópurinn að afla gagna varðandi þróunaraðstoð íslendinga með tilliti til kvenna og barna í þrója heiminum.

Allar þær konur er tíma og áhuga hafa eru velkomnar í hópinn. Leslisti liggur frammi á Vík.

Loks er hér yfirlýsing vegna innrásar Bandaríkjahers í Gernada.

YFIRLYSING FRÁ SAMTÖKUM UM KVENNALISTA TIL STUÐNINGS
EL SALVADOR VIKUNNI:

"Kvennalistinn stefnir að samfélagi, þar sem virðing fyrir lífi og samábyrgð sitja í öndvegi". (Úr stefnuskrá kvennalistans)

Í austri og vestri eru tvö stórveldi sem hafa tekið sér þann rétt að skipta heiminum í áhrifasvæði og tryggja hagsmuni sína og völd með afskiptum af innanríkismálum annarra þjóða. Nærtæk dæmi eru styrjaldarrekstur sovéskra stjórnválda í Afganistan og stuðningur þeirra við yfirvöld í Póllandi sem standa gegn almennum mannréttindum eins og stofnun frjálsra verkalýðsfélaga. Ríkisstjórn Bandaríkjanna styður ógnarstjórnir víða í Mið-Ameríku sem hún telur að gæti sinna hagsmuna þar. Í þeim ójafna leik eru vopnin látin tala og engu eirt. Mannréttindi fyrirfinnast ekki og líf venjulegs fólks er samfelld martröð þar sem fátækt, hungur, nauðganir, pyntingar og dauði er daglegur veruleiki.

Fyrir tæpu ári heimsótti okkur kona, Marianella Garcia Villas. Hún var fulltrúi mannréttindaneftnar El Salvador og bað okkur Íslendinga að sýna samstöðu með því varnarlausa fólk í heimalandi sínu sem eru fórnarlömb styrjaldarástandsins þar. Í El Salvador deyr mikill meirihluti barna áður en þau ná fimm ára aldri - sum af völdum pyntinga. Marianella létt lífið fyrir báráttu sína. Okkur ber að taka upp merki hennar í þágu mannréttinda og friðar. Ekkert stendur okkur Íslendingum nær en að sýna samstöðu með þeim sem heyja baráttu fyrir sjálfstæði sínu og frelsi. Eins og heimsmálum nú er háttar er enginn óhultur í valdatafli risaveldanna tveggja.

Dagana 10.-15. október verður víða um heim efnt til aðgerða til stuðnings við sjálfsákvörðunarrétt íbúa El Salvador og annarra þjóða Mið-Ameríku. Kvennalistinn skorar á Íslendinga að krefjast þess af ríkisstjórn sinni að hún taki afstöðu gegn íhlutun Bandaríkjastjórnar í Mið-Ameríku. Það ætti að vera verðugt verkefni íslenskrar ríkisstjórnar að styðja og styrkja þá sem ofríki eru beittir og eru varnarlaus þeð á skákborði stórveldanna.